

Ara Tarraconis nuper reperta

Géza Alföldy

Ara lapidis calcarii (*llisós*) corona crepidineque in parte postica rudi non prospicientibus praedita, in lateribus scabra, a tergo in parte sinistra, praeterea in angulis nonnullis mutila 135 x 53,5 x 40; pars media 76 x 45 x 38. Corona in facie sursum versa rudis exornata est volutis tympanoque nunc mutilo in fronte sola exsculptis; fasciae principali duae lineolae rectae insculptae, quae non litterae, sed fortasse ornamenta sunt. Area titulo inscribendo destinata excavata scabra fissuris rimisque laesa fascia simplici cincta 70 x 38. Titulus versibus plurimis velut concinne ordinatis inscriptus est areae supra dictae superiori mediaeque. Litt. oblongae ex parte ad librarias transgredientes spatiis interiectis variatis minus accurate insculptae 4,2 / 4,5 (v. 1), circ. 3,5 (v. 2-8), circ. 3 (v. 9-12). Litt. postrema v. 2. 3. 6. 8 ex parte margini dextro inscripta. Litt. L v. 12 hasta declivi loco transversae praedita; post punctum area laesa non inscripta. Puncta triangularia ex parte minus profunde insculpta. Rep. a. 1996 in domo *Carrer de la Nau* 12 in usu posteriore parieti cuidam inserta. Servatur in eadem domo in possessione Martí Vergés, ubi descripsi et imagines phot. sumpsi a. 1997.

- l(ovi) • O(ptimo) • M(aximo) • et •*
Fortunae • Reduci • et
Genio • leg(ionis) • VII • g(eminae) • p(iae) • f(elicis)
Q(uintus) • Cael(ius) • Felix
 5 *aram*
quā • specul(ator) • voverat
accepta
honesta • missione
ex • comment(ariensi)
 10 *praesidis*
p(rovinciae) • H(ispaniae) • c(iterioris)
l(ibens) • (vac. 3/4) posuit

Im. phot. ex neg. G. A. n. 350,1 A (adde neg. n. 2 A, praeterea neg. n. 350,3 A. 4 A item n. 352,3. 4. 5 areae inscriptae, neg. n. 350,5 A et 6 A partium tituli superioris inferiorisque).

Aram dedicavit miles honesta missione missus, qui ex legione Hispaniae electus in officio praesidis provinciae Hispaniae citerioris stipendia meruerat primum speculator et deinde promotus erat ad gradum commentariensis. De speculatoribus cf. A. von Domaszewski, Die Rangordnung des römischen Heeres. 2. durchgesehene Auflage. Einführung, Berichtigungen und Nachträge von B. Dobson (Beihefte der Bonner Jahrb. 14), Köln - Graz 1967, 32; M. Clauss, Untersuchungen zu den principales des römischen Heeres von Augustus bis Diokletian. Cornicularii, speculatores, frumentarii, Diss. Bochum 1973, 46-79; de officio commentariensis vide R. Haensch, *A commentarii und commentariensis: Geschichte und Aufgaben eines Amtes im Spiegel seiner Titulaturen*. In: Y. Le Bohec (Ed.), *La hiérarchie (Rangordnung) de l'armée romaine sous le Haut-Empire. Actes du Congrès de Lyon (15-18 septembre 1994)*, Paris 1995, 267-284; cf. Domaszewski - Dobson 1. 1. 31; de promotione speculatoris ad commentariensem cf. Clauss 1. 1. 72; D. J. Breeze, *The Organisation of the Career Structure of the Immunes and Principales of the Roman Army*. BJ 174, 1974, 266. 268-269 = id., in: D.J. Breeze - B. Dobson, *Roman Officers and Frontiers (Mavors. Roman Army Researches X)*, Stuttgart 1993, 32. 34-35.

Titulus positus est, postquam legio VII gemina felix a. 197 cognomen piaae meruit (vide Ritterling 1924/25, 1314-1315. 1637. 1642), ex praenomine militis commemorato et ex formis arae litterarumque circ. saec. III priore.




FIG. 1: ARA LAPIDIS CALCARIUM